

Gvangjsih Minzcuz Bau

ganhhau: CN45-0036 B.2015 Nd.5 Ng.6 liggaueq ietfeih nienz ndwensam cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3172期

Guekgya Haj Buveij Diuyenz Gih Raeuz Vah-saw Bouxgun Nem Vahsaw Saujsu Minzcuz

国家五部委调研组到广西调研国家通用语文和少数民族语文使用状况

Bonjbauq siusik(gicej Mungz Sugij/蒙树起) 4 nyied 27 hauh daengz 30 hauh, Cunghyangh Cujcizbu、Cunghyangh Dungjancbu、Guekgya Gyauyuzbu、Guekgya Yinzliz Swhyenz Caeuq Sevei Baujcanbu、Guekgya Minzveij daengj haj buveij gapbaenz ciendaez diuyenzcuj, diuyenz gak minzcuz ganbu gih raeuz baenzlawz hag yungh Vahgun Sawgun caeuq vahsaw saujsu minzcuz.

Swcigih Minzveij、Minzyijveij cujyin Luz Yenbenj gig yawjnaek baez diuyenz haj buveij neix, iugouz Swcigih Minzyijveij caezcingj bwh ndei veibau caizliu, caemhcaiq youq 4 nyied 28 hauh cujiz ciuhai aen codanzvei Gvangjsih veibau gij hong ciendaez diuyenz “doicaenh dieg minzcuz gak minzcuz ganbu hagsib guekgya vahsaw doengyungh caeuq vahsaw saujsu minzcuz cwngcwz nem banhfap” guekgya haj buveij haenx. Swcigih Minzyijveij、Swcigih Minzveij、Swcigih Dangjveij Cujcizbu、Swcigih Dangjveij Dungjancbu、Swcigih Yinzliz Swhyenz Caeuq Sevei Baujcanbdingh、Swcigih Gyauyuzdingh daengj bumwnz gonqlaeng hawj diuyenzcuj veibau le gih raeuz wngqyungh vahsaw saujsu minzcuz、saujsu minzcuz yinzcaiz beizyangj nem sawjyungh、gak minzcuz ganbu sawjyungh song vahsaw、song vahsaw sonhag、guekgya vahsaw doengyungh sawjyungh daengj cingzgvang. Gyoengq conghyah Gvangjsih Minzcuz



Yijvwnz Gunghcoz Conghyah Swhsinz Veijyenzvei hix doiq beizyangj lauxsae song vahsaw caeuq gauhcwngzsw yinzcaiz lwnhgangj le gij yigen nem genyi swhgeij.

Luz Yenbenj caensim docih guekgya haj buveij gvensim caeuq ndiepgyaez Gvangjsih, caemhcaiq baij diuyenzcuj daeuj Gvangjsih diuyenz. De naeuz, guekgya vahsaw doengyungh baij youq vih daih' it, gijneix Gvangjsih nyinhrox daengz vih、cosih Gvangjsih dwg Bouxcuengh swcigih, cunghyangh wnggai engqgya yawjnaek Vahcuengh、Sawcuengh caeuq vahsaw saujsu minzcuz gizyawz. Yinzminz siengj yungh Sawcuengh, faplwd baujcanb Sawcuengh, aeu daj cwngci sihyau、daj vwnzva sihyau、daj minzcuz doxgiet、daj aeueiq minzcuz

cingzganj sihyau bae gvensim vahsaw saujsu minzcuz.

4 nyied 28 hauh banringzgvaq, Nanzningz Si ciuhai codanzvei, siveij cujizbu daengj 6 aen buwmz hawj diuyenzcuj veibau le gij cingzgvang gak minzcuz ganbu baenzlawz hagsib sawjyungh Vahgun Sawgun caeuq vahsaw saujsu minzcuz、“song vahsaw” sonhag Nanzningz Si daengj.

4 nyied 29 hauh, diuyenzcuj bae daengz Lungzanh Yen Nanzhih Cin Dangjveij Cwngfuj、yen fazyen、yen genjcazyen daengj bumwnz guh diuyenz, doenggvaq caeuq gak minzcuz ganbu lwnhgoj、fat diucaz caizliu、guh vahsaw cwzsi daengj fuengsik, ciengzsaeg diuyenz le gij cingzgvang gihcwngz gak minzcuz ganbu hagsib sawjyungh “song vahsaw”.

Gih Raeuz Hong Sawqdiemj Baujhoh Caeuq Fazcanj Saujsu Minzcuz Daegsaek Mbanjranz Yaugoj Ndeiraeuh

我区少数民族特色村寨保护与发展试点工作成效显著

Bonjbauq siusik (gicej Suh Gyahgvai/苏加快) Daj 2009 nienz guekgya minzveij caeuq caizcwngbu anbaiz gaihcanj hong sawqdiemj baujhoh caeuq fazcanj saujsu minzcuz daegsaek mbanjranz daeuj, gih raeuz hong sawqdiemj baujhoh caeuq fazcanj saujsu minzcuz daegsaek mbanjranz cingzcik yienhda. Youz gak dieg minzveij doigawj, ginggvaq guekgya minzveij cujiz conghyah bingzsaemj, gih raeuz Sanhgyangh Duncuz Swciyen Linzhah Cin Gvandung Cunh Gvansiuj Dunz daengj 59 aen mbanj ndaej guekgya minzveij minghmingz guh buek daih' it “Mbanjranz Saujsu Minzcuz Daegsaek Cungguek” (daengx guek ngamq miz 340 aen mbanj ndaej

minghmingz), caemhcaiq venjbaiz, aensoq baiz youq daengx guek vih daihngaih.

Gih raeuz lij giethab gak yienhsi saedcaeq, youq daengx gih 79 aen minzcuz gunghcoz sifandenj gihcuj gwnzde, dawz 69 aen mbanj lied guh sawqdiemj, ndawde mbanj Bouxcuengh 39 aen, mbanj Yauzcuz 12 aen, mbanj Mulaujcu 5 aen, mbanj Duncuz 3 aen, mbanj Myauzcuz、mbanj Mauznancuz、mbanj Gihgheuz gak 2 aen, mbanj Veizcuz、mbanj Yizcuz、mbanj Suijcu、mbanj Gwzlaujcu gak 1 aen. Doenggvaq cujiz gaihcanj hong sawqdiemj, fuzrex saedhengz le buek daegsaek mbanjranz baujhoh hanghmoeg ndeu, yaugoj haemq ndei: It dwg

swnghcanj swnghhoz diuzgen ndaej daengz gaijndei; ngeih dwg daegsaek canjyez cugbough bongghung; sam dwg baujhoh caeuq caepguh ranzyouq nyoengx bae coh baihnaj; seiq dwg baujhoh caeuq swnjcienz minzcuz vwnzva aeundaej cincanj moq; haj dwg caepguh minzcuz doxgiet cinbu hozdung miz diuzleix dwk bae fazcanj.

Vih caenh' itbough doidoengh baujhoh caeuq fazcanj saujsu minzcuz daegsaek mbanjranz、gyadaih saujsu minzcuz daegsaek mbanjranz binjbaiz yingjyangliz caeuq fuzseliz, gih raeuz 59 aen mbanj buek daih' it “Saujsu Minzcuz Daegsaek Mbanjranz Cungguek” youq 4 nyied daej gaxgonq cienzboh venjbaiz hawj caez.

SIUSIK DINJ

简讯

● Youq bineix 4 nyied guh ndwen senhconz minzcuz doxgiet, Denhngoz Yen Minzcunghgiz、Minzyijgiz youq ndaw yienh 9 aen yangh(cin)、gij gai daeuz ndaw yienhsingz、minzcuz mouyi giyez、giz lienzhaeh sinhnungzcuinh daengj dieg venj gij fukvang caemh sij Sawcuengh Sawgun de 43 diuz、senhconz banjbau 30 banj、yaenqfat minzcuz doxgiet senhconz swliu 1.2 fanh faenh.

(Liu Yaujginh Linz Gyauhyez)

● Bineix geiqdoh daih' it, Lozcwngz Mulaujcu Swciyen ciepdaih hekyouz 16.9 fanh vunzbaez, lijyouz cungisouhaeuj mauhgvaq 1.5 ik maenz, song hangh soqgawq neix faenbied gyalai 11.42%、11.21%.

(Liu Gvanghfuz)

● 4 nyied 23 hauh banhaet, Dwzbauj Yen youq Cwngzgvanh Cin Sihduz Cunh Mbanjdasoz gawjhengz yizsi gwet baiz “Cungguek mbanj daegsaek saujsu minzcuz”. Baez venj baiz neix doiq guh hong henhoh nem fazcanj mbanj daedsaek saujsu minzcuz mizyungh gig ndei.

(Nungz Yungjfang)

● Vih guh hung guh giengz minzcuz vwnzva lijyouz, geij ngoenz gonq, Cunghsanh Yen cengndaej gij cienznaganz hanghmoeg youz Swcigih 2015 nienz buedhawj ndaw yienh coih nem henhoh gij mbanj conzdungj baugvat Lungzdau、Sunghgvei、Yiboh、Yinghyah daengj, neix mizyauq dwk doidoengh vwnzva lijyouz baenz aen hangznib hawj ginghci gyalai ceiq haenq.

(Cinz Yaujgez)

● Daj 2009 nienz daeuj, Yungzsuiz Myauzcuz Swciyen gaenq ciepngez 643 moux dinfaex faexsamog ndei, gungh 27000 go, gungh roengz 120 lai fanh maenz. Ndwade, bineix ciepngez 105 moux 4000 lai go.

(Liu Swjyenh)